

Communicaziun a las medias

Cun palutta e furtga – Il project Rebecca Clopath

Cuira, ils 19-05-2017 – **Radiotelevision Svizra Rumantscha (RTR) envida a la premiera dal film da Bertilla Giossi. Il film «Cun palutta e furtga» accompogna Rebecca Clopath, la giuvna cuschiniera e pura che fa ses emprims pass per realisar ses siemi. A Lon, en il café Fortuna da ses geniturs, porscha ella events culinarics tenor sia filosofia. La premiera ha lieu mesemna, ils 24 da matg 2017 a las 20:00 en la halla polivalenta a Donat, en Val Schons.**

L'emprim era la palutta. La giuvna Rebecca Clopath da Lon fa l'empredissadi da cuschiniera e daventa cun 25 onns gia schefcuschiniera tar Stefan Wiesner, il cuschinier avantgardistic, numnà il «Hexer dal Entlebuch». Uss cun 28 onns vala ella sco talent excepziunal en la scena da cuschinar svizra. Cun ses scharm, ses elan e sia creatividad è ella predestinada per ina carriera en in'ustaria da gourmet.

Cun palutta e furtga

Ma Rebecca Clopath ha auters plans, sper la palutta prenda ella la furtga enta maun. La cuschiniera daventa er anc pura. Pura, per savair cuschinar cun ils products producids tenor sias ideas. La finamira da Rebecca Clopath è da porscher tratgas che sa basan sin ina vita cumplexsiva, persistenta e faira.

Il project

Cun ses project vul Rebecca Clopath crear a Lon, en in vitg da 30 abitantas ed abitants, ina nova pussaivladad da lavurar e viver per ella e per auters. Tge munta quai per la giuvna da 28 onns, ch'ha sias amias ed amis en la Bassa, da turnar en la quietezza dal vitg nativ? Tge din ils geniturs da la figlia che vul surpigliar il bain puril e che n'aveva da buoba nagin gust da gidar sin il funs? E cun tgi vul ella insumma realisar ses project?

Il film accompogna Rebecca Clopath sin la via vers ses siemi.

L'occurrenza è publica, l'entrada è libra.

Infurmaziun supplementara:

Il film da l'emissiun "Cuntrasts" vegn mussà sco suonda:

dumengia, ils 28-05-2017, 17:25 sin SRF 1

ubain sin www.rtr.ch/play

Repetiziuns:

mesemna, ils 31.05.2017 08:30, 09:30 e 12:45 sin SRF info

gievgia, ils 01.06.2017 11:00 sin SRF info

venderdi, ils 02.06.2017 13:15 sin RSI LA2

sonda, ils 03.06.2017 12:05 sin RTS2 e las 17:10 sin SRF 1

dumengia, ils 04.06.2017 07:30 sin RSI LA1

mardi, ils 06.06.2017 13:30 sin RTS 2

Dapli infurmaziuns davart las repetiziuns chattais Vus sin www.rtr.ch

Dapli infurmaziuns

Radiotelevision Svizra Rumantscha, Via da Masans 2, 7000 Cuira
Esther Bigliel, tel. 081 255 75 75, esther.bigliel@rtr.ch